



十ノ八

尚書註疏卷第九

漢孔氏傳

唐孔穎達疏

皇明朝列大夫國子監祭酒

臣田一儁

奉訓大夫司經局洗馬管司業事

臣盛訥等奉

勅重校刊

盤庚上第九

商書

盤庚五遷將治亳殷

傳

自湯至盤庚凡五遷都盤庚治

亳殷○盤本又作般步

干反治直吏反

民咨胥怨

傳

胥相也民不欲

徙乃咨嗟憂愁相與怨上

○胥徐思餘反怨紆萬反

作盤庚三篇

疏 盤庚至三篇。正義曰：商自成湯以來，屢遷都邑。仲丁、河、亶、甲、祖、乙，皆有言誥，歷載於篇。盤庚最在其後，故序摠之。自湯至盤庚，凡五遷都。今盤庚將欲遷居而治於亳，之殷治民，皆戀其故居，不欲移徙。咨嗟憂愁，相與怨上。盤庚以言辭誥之，史敘其事，作盤庚三篇。○**傳** 自湯至亳，殷○正義曰：經言不常厥邑，于今五邦。故序言盤庚五遷，傳嫌一身五遷，故辨之。云自湯至盤庚，凡五遷都也。上文言自契至于成湯，八遷并數，湯為八。此言盤庚五遷，又并數，湯為五。湯一人再數，故班固云：殷人屢遷，前八後五，其實止十二也。此序云盤庚將治亳，殷下傳云殷亳之別名，則亳殷即是一都。湯遷還從先王居也。汲冢古文云：盤庚自奄遷于殷，殷在鄴南三十里。東哲云：尚書序盤庚五遷，將治亳，殷舊說以為居亳。亳殷在河南，孔子壁中尚書云：將始宅殷，是與古文不同也。漢書項羽傳云：洹水南殷墟，上今安陽西有殷東，哲以殷在河北，與亳異也。然孔子壁內之書，安國先得其本，此將治亳，殷不可作將始宅殷。亳字摩滅，容或為宅壁內之書。安國先得始，皆作亂，其字與治不類，無緣誤作始字。知東哲不見壁內之書，妄為說耳。若洹水南有殷墟，或當餘王居之，非盤庚也。盤庚治於亳，殷紂滅在於朝歌，則盤庚以後遷於河北，蓋盤庚後王有從河自亳地遷於洹水之南，後又遷于朝歌。○**傳** 胥相至怨上。○正義曰：釋詁云：胥，皆也。相，亦是皆義。故通訓，胥為相也。民不欲徙，乃咨嗟憂愁，相與怨上。經云：民不適有居，是怨上之事也。仲丁、祖乙，亦是遷都序無民怨之言。此獨有怨者，盤庚祖乙之會孫也。祖乙遷都於此，至今多歷年世，民居已久，戀舊情深。前三徙，誥令則行，曉喻之易，故無此言。此則民怨之深，故序獨有此事。彼各一篇，而此獨三篇者，謂民怨上，故勸誘之難也。民不欲遷，而盤庚必遷者，鄭玄云：祖乙居耿，後奢侈踰禮，土地迫近山川，嘗圯焉。至陽甲立盤庚為之，臣乃謀徙居湯舊都。大序注云：民居耿，久奢淫成俗，故不樂徙。王肅云：自祖乙五世至盤庚，元兄陽甲宮室奢侈，下民邑居墊隘，水泉滂鹵，不可以行政化，故徙都於殷。皇甫謐云：耿在河北，迫近山

川自祖辛巳來民皆奢侈故盤庚遷於殷此三者之說皆言奢侈鄭玄既言君奢又言民奢王肅專謂君奢皇甫謐專謂民奢言君奢者以天子宫室奢侈侵奪下民言民奢者以豪民室宇過度逼迫貧乏皆為細民弱劣無所容居欲遷都改制以寬之富民戀舊故違上意不欲遷也案檢孔傳無奢侈之語惟下篇云今我民用蕩析離居罔有定極傳云水泉沉溺故蕩析離居無安定之極徙以為之極孔意蓋以地勢洿下又久居水變水泉渴鹵不可行化故欲遷都不必為奢侈也此以君名名篇必是為君時事而鄭玄以為上篇是盤庚為臣時事何得專輒謬妄也

盤庚

傳 盤庚殷王名殷質以名篇○盤庚殷王名馬云祖乙曾孫

祖丁之子不言盤庚誥何非但錄其誥也取其徙而立功故以盤庚名篇疏 正義曰此三篇皆以民不樂遷開解民意告以不遷之害遷都之善也中上二篇未遷時事下篇既遷

後事上篇人皆怨上初啓民心故其辭尤切中篇民已少悟故其辭稍緩下篇民既從遷故辭復益緩哀十一年左傳引此篇云盤庚之誥則此篇皆誥辭也題篇不目盤庚誥者王肅云取其徙而立功故但以盤庚名篇然仲丁祖乙河亶甲等皆以王名篇則是史意異耳未必見他義○**傳**殷質以名篇○正義曰周書謚法成王時作故桓六年左傳云周人以諱事神殷時質未諱君名故以王名名篇也上仲丁祖乙亦是王名於此始作傳者以上篇經亡此經稱盤庚故就此解之史記殷本紀云盤庚崩弟小辛立殷復衰百姓思盤庚乃作盤庚三篇與此序違非也鄭玄云盤庚湯十世孫祖乙之曾孫以五遷繼湯篇次祖乙故繼之于上累之祖乙為湯玄孫七世也又加祖乙復其祖父通盤庚故十世本紀云祖乙崩子祖辛立崩子開甲立崩弟祖丁立崩開甲之子南庚立崩祖丁子陽甲立崩弟盤庚立是祖乙生祖辛祖辛生祖丁祖丁

萬曆十五年刊

書疏卷九

三

生盤庚故
為曾孫

盤庚遷于殷

傳

亳之別名

民不適有居

傳

適之也不欲

之殷有邑居

率籲衆感出矢言

傳

籲和也率與衆憂

之人出正直之言

籲音喻感千歷反

曰我王來既爰宅于茲

我王祖乙居耿爰於也言祖乙已居於此

重我民

無盡劉

傳

劉殺也所以遷此重我民無欲盡殺故

盡

子忍反

不能胥匡以生卜稽曰其如台

傳

言民不能相

匡以生則當卜考於龜以徙曰其如我所行

稽工今反台

先王有服恪謹天命茲猶不常寧

傳

先王有所服

行敬謹天命如此尚不常安有可遷輒遷

恪苦各反不

常厥邑于今五邦

傳

湯遷亳仲丁遷囂河亶甲居相

祖乙居耿我往居亳凡五徙國都

馬云五邦謂商丘亳囂相耿也

今不承于古罔知天之斷命

傳

今不承古而徙是無

知天將斷絕汝命

斷又音短

矧曰其克從先王之烈

傳

天將絕命尚無知之況能從先王之業乎

從才容反若

顛木之有由蘖

傳

言今往遷都更求昌盛如顛仆之

木有用生蘖哉

蘖五達反本又作枿馬云顛木而肄生曰枿仆音赴又步北反

天

其求我命于茲新邑

傳

言天其長我命於此新邑不

可不徙
紹復先王之太業底綏四方傳言我徙欲如

此○底之疏盤庚至四方○正義曰盤庚欲遷於亳
履反疏之殷地其民不欲適彼殷地別有邑居
莫不憂愁相與怨上盤庚率領和諧其衆憂之人出
正直之言以曉告曰我先王初居此者從舊都來於
是宅於此地所以遷於此者為重我民無欲盡殺故
先王以久居墊隘不遷則死見下民不能相匡正以
生故謀而來徙以徙為善未敢專決又考卜於龜以
徙既獲吉兆乃曰其如我所行欲徙之吉先王成湯
以來凡有所服行敬順天命如此尚不常安可徙則
徙不常其邑於今五邦矣今若不承於古徙以避害
則是無知天將斷絕汝命矣天將絕命尚不能知况
曰其能從先王之基業乎今我往遷都更求昌盛若
顛仆之木有用生葉哉人衰更求盛猶木死生葉哉
我今遷向新都上天其必長我殷之王命於此新邑
繼復先王之太業致行其道以安四方之人我徙欲
如此耳汝等何以不願徙乎前云若不徙以避害則

天將絕汝命謂絕臣民之命明亦絕我殷王之命復
云若遷往新都天其長我殷之王命明亦長臣民之
命互文也○傳亳之別名○正義曰此序先亳後殷
亳是大名殷是亳內之別名鄭玄云商家自徙此而
號曰殷鄭以此前未有殷名也中篇云殷降大虐將
遷於殷先正其號名知於此號為殷也雖兼號為殷
而商名不改或稱殷又有兼稱殷商商頌云商邑翼
翼捷彼殷武是單稱之也又大雅云殷商之旅咨汝
殷商是兼稱之也亳是殷地大名故殷社謂之亳社
其亳鄭玄以為偃師皇甫謐以為梁國穀熟縣或云
濟陰亳縣說既不同未知誰是○傳適之至邑居○
正義曰釋詁云適之往也俱訓為往故適得為之不
欲往彼殷地別有新邑居也○傳籲和至之言○正
義曰籲即裕也是寬意故為和也憂則不和感訓憂
也故率眾憂之人出正直之言詩云其直如矢言
為正直之言○傳我王至於此○正義曰孔以祖乙
圮於相地遷都於耿今盤庚自耿遷于殷以我王為
祖乙此謂耿也○傳劉殺至殺故○正義曰劉殺釋

萬曆十五年刊

書疏卷九

五

洪裕

詰云水泉鹹鹵不可行化王化不行殺民之道先王
 所以決欲遷此者重我民無欲盡殺故也○傳言民
 至所行○正義曰不徙所以不能相匡以生者謂水
 泉沉溺人民困苦不能以義相匡正以生又考卜於
 龜以徒周禮太卜大遷則貞龜是遷必卜也○傳先
 王至輒遷○正義曰下云于今五邦自湯以來數之
 則此言先王摠謂成湯至祖乙也先王有所服行謂
 有典法言能敬順天命即是有所服也盤庚言先王
 敬順天命如此尚不常安有可遷輒遷況我不能敬
 順天命不遷民必死矣故不可不遷也○傳湯遷至
 國都○正義曰孔以盤庚意在必遷故通數我往居
 亳為五邦鄭王皆云湯自商徙亳數商亳嚚相耿為
 五計湯既遷亳始建王業此言先王遷都不得遠數
 居亳之前充此數也○傳言今至藥哉○正義曰釋
 詰云枿餘也李巡曰枿槁木之餘也郭璞云晉衛之
 間曰枿是言木死顛仆其根更生藥哉此都毀壞若
 枯死之木若棄去毀壞之邑更得盤庚數于民由乃
 昌盛猶顛仆枯死之木用生藥哉

在位以常舊服正法度傳

教教也教人使用汝在位

之命用常故事正其法度○傳教戶教反下

如字度如字

曰無或敢

伏小人之攸箴傳

言無有敢伏絕小人之所欲箴規

上者戒朝臣○箴之林反馬云

諫也朝直遙反

疏盤庚至攸箴○正

意今復並戒臣民盤庚先教於民云汝等當用汝在
 位之命用舊常故事正其法度欲令民徙從其臣言
 也民從上命即是常事法度也又戒且曰汝等無有
 敢伏絕小人之所欲箴規上者○傳數教至朝臣○
 正義曰文王世子云小樂正數于大胥贊之籥師數
 戈籥師丞贊之彼並是教舞于戈知數為教也小民
 等患水泉沉溺欲箴規上而徙汝臣下勿抑塞伏絕
 之鄭玄云奢侈之俗小民咸苦之欲言於王今將屬
 民而詢焉故**王命衆悉至于庭**傳衆羣臣以下
 勅以無伏之

羣臣以下。正義曰周禮小司寇掌外朝之政以致萬民而詢焉。一曰詢國危。二曰詢國遷。三曰詢立君。是國將大遷必詢及於萬民。故知衆悉至王庭。是羣臣以下謂及下民也。民不欲徙由臣不助王勸民故以下多是。王若曰格汝衆予告汝訓。傳告汝以法教責臣之辭。

汝猷黜乃心無傲從康。傳謀退汝違上之心無傲慢。

從心所安。傲五。古我先王亦惟圖任舊人共政。傳

先王謀任久老成人共治其政。任而。疏傳先王。此篇所言先王其文無指斥者皆謂成湯以來諸賢王也。下言神后高后者指謂湯耳。下篇言古我先王適于山者乃謂遷都之王仲丁祖乙之等也。此言先王謂先世賢王此既言先王下句王播告之王用丕欽蒙上之先不。王播告之修不匿厥指。傳王布告人以言先省文也。

所脩之政不匿其指。播波餓反。疏傳王布至其指言先王用舊人共政。下云王播告之修當謂告臣耳。傳言布告人者以下云民用丕變是必告臣亦又告民。

王用不欽罔有逸言民用不變。傳王用大敬其政教無有逸豫之言民用大變從化。

今汝聒聒起信險。傳聒聒無知之貌起信險偽膚受之言我不知汝所訟言何謂。皆云拒善自用之意。

膚予弗知乃所訟。傳聒聒難告之貌王肅云聒聒拒善自用之意也。此傳以聒聒為無知之貌以聒聒是多言亂人之意也。起信險膚者言發起所行專信此險偽膚受淺近之言信此浮言妄有爭訟我不知汝所訟言何謂言無理也。

非予自荒茲德惟汝。傳非予自荒茲德惟汝。高曆十五年刊。

書疏卷九

高曆十五年刊

書疏卷九

書疏卷九

書疏卷九

書疏卷九

書疏卷九

書疏卷九

舍德不惕予一人予若觀火傳

我之欲徙非廢此德

汝不從我命所舍惡德但不畏懼我耳我視汝情如

視火○惕他

歷反

疏

非予至觀火。正義曰言先王敬其教民用大變我命教汝汝不肯徙非

我自廢此不欽之德惟汝之所舍德甚惡不畏懼我

一人故耳汝舍藏此意謂我不知我見汝情若觀火

言見之分明予亦拙謀作乃逸傳

逸過也我不威脅

如見火也汝徙是我拙謀成汝過○拙之

劣反

疏

正義曰逸過釋言

文我若以威加汝汝自不敢不遷則無違上之過也

我不威脅汝徙乃是我亦拙謀作成汝過也恨民以

恩導之而不從已也若網在綱有條而不紊若農服田力穡乃

亦有秋傳

紊亂也穡耕稼也下之順上當如網在綱

各有條理而不亂也農勤穡則有秋下承上則有福

○紊音問

疏

紊亂至有福。正義曰紊是絲亂故

徐音文穡穡是秋收之名得為耕獲摠稱故汝克黜乃心施

實德于民至于婚友不乃敢大言汝有積德傳

汝羣

臣能退汝違上之心施實德於民至于婚姻僚友則

我大乃敢言汝有積德之臣

乃不畏戎毒于遠邇情

農自安不昏作勞不服田畝越其罔有黍稷傳

戎大

昏強越於也言不欲徙則是不畏大毒於遠近如怠

惰之農苟自安逸不强作勞於田畝則黍稷無所有

○昏馬同本或作啓音敏爾雅昏啓皆訓強疏大至

故兩存越本又作粵音曰于也強其兩反疏大至

所有○正義曰戎大昏強越於皆釋詁文孫炎曰昏

夙夜之強也書曰不昏作勞引此解彼是亦讀此為

昏也鄭玄讀昏為啓訓為勉也與孔不同傳云言不

欲徙則是不畏大毒於遠近其意言不徙則有毒毒

為禍患也遠近謂徐促言害至有早晚也不強於作

勞則黍稷無所獲以喻不遷於新邑則福祿無所有

也此經情農弗昏無黍稷對上服田汝不和吉言于

力穡乃亦有秋但其文有詳略耳汝不和吉言于

百姓惟汝自生毒傳責公卿不能和喻百官是自生

毒害疏傳責公至毒害○正義曰此篇上下皆言民

百官和吉言者又在百官之上知此經是責公卿不

能和喻善言於百官使之樂遷也不和百官必將遇

禍是公卿乃敗禍姦宄以自災于厥身傳言汝不相

自生毒害率共徙是為敗禍姦宄以自災之道音軌**乃既先惡**

於民恫痛也不徙則禍毒在汝身徙奉持所痛而悔

之則於身無所及○奉乎勇反注同恫疏羣臣至

義曰羣臣是民之師長當倡民為善羣臣相時儉民

亦不欲徙是乃先惡於民也恫痛釋言文相時儉民

猶胥顧于箴言其發有逸口矧予制乃短長之命傳

言儉利小民尚相顧於箴誨恐其發動有過口之患

況我制汝死生之命而汝不相教從我是不若小民

○相時上息亮反馬云視王徐息羊反儉息汝曷弗

告朕而胥動以浮言恐沈于衆傳曷何也責其不情

告上而相恐動以浮言不徙恐汝沈溺於衆有禍害
○曷何 若火之燎于原不可嚮邇其猶可撲滅傳火
未反 炎不可嚮近尚可撲滅浮言不可信用尚可刑戮絕

之○燎力召反又力鳥反又力紹反 則惟汝衆自作
嚮許亮反撲普卜反近附近之近 我刑戮汝非我咎也靖謀也是汝
弗靖非予有咎傳

自為非謀所致疏相時至有咎○正義曰又責大臣
儉利小民猶尚相顧於箴規之言恐其發舉有過口
之患故以言相規患之小者尚知畏避況我為天子
制汝短長之命滅恩甚大汝不相教從我乃是汝不
如小民汝若不欲徙何以不情告我而輒相恐動以

浮華之言乃語民云國不可徙我恐汝自取沈溺於
衆人而身被刑戮之禍害此浮言流行若似火之燎
於原野炎熾不可嚮近其猶可撲之使滅以喻浮言
不可止息尚可刑戮使絕也若以刑戮加汝則是汝
衆自為非謀所致此耳非我有咎過也○傳曷何至
禍害○正義曰曷何同音故曷為何也顧氏云汝以
浮言恐動不徙更是無益我恐汝自取沈溺於衆人
不免禍害也○傳我刑至所致○正義曰我刑戮汝
汝自招之非我咎也靖謀釋詰文告民不徙者非
善謀也由此而被刑戮是汝自為非謀所致也
任有言曰人惟求舊器非求舊惟新傳遲任古賢言
人貴舊器貴新汝不徙是不貴舊○遲直疑反徐持

云古老 古我先王暨乃祖乃父胥及逸勤予敢動用
成人 非罰傳言古之君臣相與同勞逸子孫所宜法之我

萬曆十五年刊

書經卷九

豈敢動用非常之罰脅汝乎

世選爾勞予不掩爾善

傳 選數也言我世世選汝功勤不掩蔽汝善是我忠

於汝○選息轉反又蘇管反

茲予大享于先王爾祖

其從與享之**傳**

古者天子錄功臣配食於廟大享烝

嘗也所以不掩汝善○與音預

作福作災予亦不敢

動用非德**傳**

善自作福惡自作災我不敢動用非罰

加汝非德賞汝乎從汝善惡而報之

疏 遲任至非德

遷即遷是先王舊法古之賢人遲任有言曰人惟求舊器非求舊惟新言人貴舊器貴新汝不欲徒是不貴舊反遲任也古者我之先王及汝祖汝父相與同逸豫同勤勞汝為人子孫宜法汝父祖當與我同其

勞逸我豈敢動用非常之罰脅汝乎自我先王以至

於我世世數汝功勞我不掩蔽汝善是我忠於汝也

以此故我大享祭于先王汝祖其從我先王與在宗

廟而歆享之是我不敢掩汝善也汝有善自作福汝有

惡自作災我亦不敢動用非德之賞妄賞汝各從汝

善惡而報之耳其意告臣言從上必有賞違我必有

罰也○**傳** 遲至貴舊○正義曰其人既沒其言立於

後世知是古賢人也鄭玄云古之賢史王肅云古老

成人皆謂賢也○**傳** 選數至於汝○正義曰釋詁云

算數也舍人曰釋數之曰算選即算也故訓為數經

言世世數汝功勞是從先王至已常行此事故云是

我忠於汝也言已之忠責臣之不忠也○**傳** 古者至

汝善○正義曰周禮大宗伯祭祀之名天神曰祀地

祇曰祭人鬼曰享此大享於先王謂天子祭宗廟也

傳解天子祭廟得有臣祖與享之意言古者天子錄

功臣配食於廟故臣之先祖得與享之也古者孔氏

據已而道前世也此殷時已然矣大享烝嘗者烝嘗

是秋冬祭名謂之大享者以事各有對若烝嘗對禘

萬曆十五年刊

禘則禘禘為大烝嘗為小若四時自相對則烝嘗為
 大禘祠為小以秋冬物成可薦者眾故烝嘗為大春
 夏物未成可薦者少故禘禘為小也知烝嘗有功臣
 與祭者案周禮司勳云凡有功者銘書於王之太常
 祭於大烝司勳詔之是也嘗是烝之類而傳以嘗配
 之魯頌曰秋而載嘗是也祭統云內祭則大嘗禘是
 也外祭則郊社是也然彼以禘為大嘗知此不以烝
 嘗時為禘禘禘而直據時祭者以殷禘於三時非獨烝
 嘗也秋冬之祭尚及功臣則禘禘可知惟春夏不可
 耳以物未成故也近代已來惟禘禘乃祭功臣配食
 時祭不及之也近代已來功臣配食各配所事之君
 若所事之君其廟已毀時祭不祭毀廟其君尚不時
 祭其臣固當止矣禘禘則毀廟之主亦在焉其時功
 臣亦當在也王制云禘禘禘禘禘禘禘禘禘禘禘禘禘
 禘一植一禘一禘嘗禘禘禘禘禘禘禘禘禘禘禘禘禘
 春惟時祭其夏秋冬既為禘又為時祭諸侯亦春為
 時祭夏惟作禘不作祭秋冬先作時祭而後禘周則
 春曰祠夏曰禘三年一禘在秋五年一禘在夏故公

羊傳云五年再殷祭禮緯云三年一禘五年一禘
 年一禘此是鄭氏之義未知孔意如何
予告汝于

難若射之有志

告汝行事之難當如射之有所準

志必中所志乃善 ○射食夜反準 音准中竹仲反 疏 予告至有志 ○

福作災由人行有善惡故復教臣行善我告汝於行
 事之難猶如射之有所準志志之主欲得中也必中
 所志乃為善耳以喻人將有行豫思念之行得其道
 為善耳其意言遷都是善道當念從我言也 ○傳 告
 汝至乃善 ○正義曰此傳惟順經文不言喻意鄭玄
 云我告汝於我心至難矣夫射者張弓屬矢而志在
 所射必中然後發之為政之道亦如是
汝無侮老成

人無弱孤有幼

不用老成人之言是侮老之不徒

則孤幼受害是弱易之 ○侮亡甫反 疏 傳 不用至易

易以豉反 ○正義曰

老謂見其年老謂其無所復知弱謂見其幼弱謂其未有所識鄭云老弱皆輕忽之意也老成人之言云可徙不用其言是侮老之也不徙則水泉鹹鹵孤幼受害不念其害則是卑弱輕易之也

厥居勉出乃力聽予一人之作猷傳盤庚勅臣下各

思長於其居勉盡心出力聽從遷徙之謀○長竹文反疏

傳盤庚至之謀○正義曰於時羣臣難毀其居宅惟見目前之利不思長久之計其臣非一共為此心盤庚勅臣下各思長久於其居處勉強盡心出力聽從我遷徙之謀自此已下皆是也**無有遠邇**

用罪伐厥死用德彰厥善傳言遠近待之如一罪以

懲之使勿犯伐去其死道德以明之使勸慕競為善

○去起呂反疏無有至厥善○正義曰此即遷徙之謀也言我至新都撫養在下無有遠之與近必

當待之如一如用刑殺之罪伐去其死道用照察之德彰明其行善有過罪以懲之使民不犯非法死刑不用是伐去其死道伐若伐樹然言止而不復行用也有善者人主以照察之德加賞祿以明之使競慕為善是彰其善也此二句相對上言用罪伐厥死下宜言用賞彰厥生不然者上言用刑下言賞善死是刑之重者舉重故言死有善乃可賞故言彰厥善行賞是德故以德言賞人生是常無善亦生不得言彰厥生故**邦之臧惟汝眾**傳有善則眾臣之功○臧徐邦文互

之不臧惟予一人有佚罰傳佚失也是已失政之罰

罪已之義○佚音逸**凡爾眾其惟致告**傳致我誠告汝眾

自今至于後日各恭爾事齊乃位度乃口傳奉其職

事正齊其位以法度居汝口勿浮言○度徐如疏度字亦作度

口○正義曰度法度也故傳言以法度居汝口也

我謀罰及汝身雖悔可及乎

不從

盤庚中第十

商書

盤庚作惟涉河以民遷

傳

為此南渡河之法用民徙乃

乃

話民之弗率誕告用亶其有衆

傳

話善言民不循教

發善言大告用誠於衆

誕徐音但亶丁但反馬本作

單音同誠也

咸造勿褻在王庭

傳

造至也衆皆至王庭無

褻慢○造士報反注同馬在

盤庚乃登進厥民

傳

升

進命使前

疏

盤庚至厥民○正義曰盤庚於時見都河北欲遷向河南作惟南渡河之法欲

用民徙乃出善言以告曉民之不循教者大為教告

用誠心於其所之衆人於時衆人皆至無有褻慢

之人盡在於王庭盤庚乃升進其民延之使前而衆

告之史敘其事以為盤庚發詰之目○傳為此至民

徙○正義曰鄭玄云作渡河之具王肅云為此思南

渡河之事此傳言南渡河之法皆謂造舟船渡河之

具是濟水先後之次思其事而為之法也○傳話善

至於衆○正義曰釋詁云話言也孫炎曰話善人之

言也王苦民不從教必發善言告之故

曰明聽朕言

無荒失朕命

傳

荒廢

嗚呼古我前后罔不惟民之承

傳

言我先世賢君無不承安民而恤之

保后胥感鮮

以不浮于天時

傳

民亦安君之政相與憂行君令浮

行也少以不行於天時者言皆行天時○鮮息疏民傳

亦至天時○正義曰以君承安民而憂之故民亦安

君之政相與憂行君令使君令必行責時羣臣不憂

行君令也舟船浮水而行故以浮為行殷降大虐先

也行天時也順時布政若月令之為也王不懷

傳我殷家於天降大災則先王不思故居而

行徙疏我殷至行徙○正義曰遷徙者止為邑居

災懷為思言殷家於天降大災則先王不思故居而

行徙者以天時人事終是相將邑居不可行化必將

天降之災上云不能相匡以生厥攸作視民利用遷

罔知天之斷命即是天降災也汝曷弗念我古后之聞

傳其所為視民有利則用徙承汝俾汝惟喜

傳古后先王之聞謂遷事○曷何未承汝俾汝惟喜

承汝使汝徙惟與汝共喜安非謂汝有惡徙汝令比

近於殃罰○俾必爾反咎其九反比毗志反徐扶志

之疏承汝至于罰○正義曰先王為政惟民之承今

近疏我亦法先王故承安汝使汝徙惟歡喜安樂皆

與汝共之非謂汝有咎惡予若顓懷茲新邑亦惟汝

而徙汝令比近於殃罰也故以不從厥志

大從其志而徙之○顓羊疏予若至厥志○正義曰

協汝眾歸懷此新邑者非直為我王家亦惟利

汝眾故為此大從我本志而遷徙不有疑也今予

將試以汝遷安定厥邦傳試用汝不憂朕心之攸困

萬曆十五年刊

傳 所困不順上命 乃咸大不宣乃心欽念以忱動予

一人**傳** 汝皆大不布腹心敬念以誠感動我是汝不

盡忠○忱市 **爾惟自鞠自苦****傳** 鞠窮也言汝為臣不

忠自取窮苦○鞠居 **若乘舟汝弗濟臭厥載****傳** 言不

徒之害如舟在水中流不渡臭敗其所載物○臭徐

載如字又 **疏** 臭厥載○正義曰臭是氣之別名古者

在代反 **疏** 香氣穢氣皆名為臭易云其臭如蘭謂

香氣為臭也下文覆述此意云無起穢以自臭則此臭

謂穢氣也肉敗則臭故以臭為 **爾忱不屬惟胥以沈**

敗船不渡水則敗其所載物也 **不其或稽自怒曷瘳****傳** 汝忠誠不屬逮古苟不欲徒

相與沈溺不考之先王禍至自怒何瘳差乎○屬音

馬云獨也沈直 **疏** 爾忱至曷瘳○正義曰盤庚責其

林反瘳勅留反 **疏** 臣民汝等不用徙者由汝忠誠不

能屬逮於古賢苟不欲徙惟相與沈溺於眾不欲徙

之言不其有考驗於先王遷徙之事汝既不考於古

及其禍至乃自忿 **汝不謀長以思乃災汝誕勸憂****傳**

怒何所瘳差也 **汝不謀長久之計思汝不徙之災苟不欲徙是大勸**

憂之道 **疏** 汝誕勸憂○正義曰凡人以善自勸則善

來眾是自勸勵 **今其有今罔後汝何生在上****傳** 言不

萬曆十五年刊

書疏卷九

十六

也今予命汝一無起穢以自臭傳

我一心命汝汝違

我是自臭敗○穢於

今予至自臭○正義曰今我

我無得起為穢惡以自臭敗

汝違我命是起穢以自臭也恐人倚乃身迂乃心傳

言汝既不欲徙又為他人所誤倚曲迂僻○倚於綺

反徐於奇

反迂音于

疏恐人至乃心○正義曰言汝心既不欲

僻匹亦反疏徙旁人或更誤汝我又恐他人倚曲汝

身迂僻汝心使汝益不用徙也○傳言汝至迂僻○

正義曰人心不能自決則好用非理之謀言汝既不

欲遷徙又為他人所誤盤庚疑其被誤故言此也以

物倚物者必曲故倚為曲也迂是迴也迴行必僻故

迂為僻也予迂續乃命于天予豈汝威用奉畜汝眾傳

迂迎也言我徙欲迎續汝命于天豈以威脅汝乎用奉

畜養汝眾○迂五駕反畜許竹

反下同脅虛業反

疏傳迂迎至汝眾○

文不遷必將死矣天欲遷以延命天意向汝我欲迎

之天斷汝命我欲續之我今徙者欲迎續汝命於天

豈以威脅汝乎遷都惟

用奉養汝眾臣民耳予念我先神后之勞爾先予

丕克羞爾用懷爾然傳

言我亦法湯大能進勞汝以

義懷汝心而汝違我是汝反先人○勞力報反

又如字注同疏予

至爾然○正義曰我念我先世神后之君成湯愛勞

汝之先人故我大能進用汝與汝爵位用以道義德

懷安汝心耳然汝乃違我命是汝反先人也○傳言

我至先人○正義曰易稱神者妙萬物而為言也殷

之先世神明之君惟有湯耳故知神后謂湯也下高

后先后與此神后一也神者言其通聖高者言其德

尊此神后言先於高后略而不言先其下直言先后

又略而不言高從上省文也勞爾先謂愛之也勞者

勤也閔其勤勞而慰勞之勞亦愛之義故論語云愛之能勿勞乎是勞為愛也追言湯勞汝先則此所責之臣其祖於成湯之世已在朝廷世失于政陳于茲仕王朝而不用已命故責之深也

高后丕乃崇降罪疾曰曷虐朕民崇重也今既失

政而陳久於此而不徙湯必大重下罪疾於我曰何

為虐我民而不徙乎○重直勇反汝萬民乃不生

暨予一人猷同心不進進謀同心徙先后丕降與

汝罪疾曰曷不暨朕幼孫有比言非但罪我亦將

罪汝幼孫盤庚自謂比同心故有爽德自上其罰汝

汝罔能迪湯有明德在天見汝情下罰汝汝無能

道言無辭疏失于至能迪○正義曰盤庚以民不願

所以必須徙者我今失於政教陳久於此民將有害

高德之君成湯必忿我不徙大乃重下罪疾於我曰

何為殘虐我民而不徙乎我既欲徙而汝與萬民乃

不進進與我一人謀計同心則我先君成湯天下與

汝罪疾曰何故不與我幼孫盤庚有相親比同心徙

乎汝不與我同心故湯有明德從上見汝之情其下

罪罰於汝汝實有罪無所能道言無辭以自解說也

○傳崇重至徙乎○正義曰崇重釋詁文又云塵久

也孫炎曰陳居之久久則生塵矣古者塵陳同也故陳為父之義○傳不進至心徙○正義曰物之生長

則必漸進故以生生為進進王肅亦然進進是同心願樂之意也此寔責羣臣而言汝萬民者民心亦然

因博及之○傳湯有至無辭○正義曰訓爽為明言其見下故稱明德詩稱三后在天死者精神在天故言下古我先后既勞乃祖乃父勞之共治人汝共

作我畜民汝有戕則在乃心

傳

戕殘也汝共我治民

有殘人之心而不欲徙是反父祖之行○我在良反

又士良反行

下孟反

我先后綏乃祖乃父乃祖乃父乃斷棄汝不救

乃死

傳

言我先王安汝父祖之忠今汝不忠汝父祖

必斷絕棄汝命不救汝死○斷丁

緩反

疏

古者至乃死○正義曰又責羣

臣古我先君成湯既愛勞汝祖汝父與之共治民矣汝今共為我養民之官是我於汝與先君同也而汝有殘虐民之心非我令汝如此則在汝心自為此惡是汝反祖父之行雖汝祖父亦不祐汝我先君安汝祖汝父之忠汝祖汝父忠於先君必忿汝違我乃斷絕棄汝命不救汝死言汝違我命故汝祖父亦忿見湯罪汝不救汝死也○傳勞之共治人○正義曰下句責臣之身云汝共作我畜民明先后勞其祖父是

勞之共治民也○傳戕殘至之行○正義曰春秋宣

十八年邾人戕郕子左傳云凡自虐其君曰弑自外

曰戕戕為殘害之義故為殘也先后愛勞汝祖汝父

與共治民汝祖父必有愛人之心作訓為也汝今共

為我養民之官而有殘民之心而不用徙以避害是

汝反祖父之行盤庚距湯年世多矣臣父不及湯世

而云父者與茲予有亂政同位具乃貝玉傳亂治也

祖連言之耳此我有治政之臣同位於父祖不念盡忠但念貝玉

而已言其貪○治直吏反盡子忍反乃祖乃父不乃告我高后

曰作丕刑于朕孫

傳

言汝父祖見汝貪而不忠必大

乃告湯曰作大刑於我子孫求討不忠之罪○告工

號反我

高后本又作乃祖乃父

迪高后丕乃崇降弗祥

傳

言汝父祖開

道湯大重下不善以罰汝陳忠孝之義以督之

疏 茲

至弗祥。正義曰：又責臣云：汝祖父非徒不救汝死，乃更請與汝罪於此。我有治政之臣，同位於其父祖，其位與父祖同心，與父祖異，不念忠誠，但念具汝，具玉而已，言其貪而不忠也。汝先祖先父以汝如此大，乃告我高后曰：為大刑於我子孫，以此言開道我高后，故我高后大，乃下不善之殃，以罰汝。成湯與汝祖父皆欲罪汝，汝何以不從我徙乎？**傳**：亂治至其貪。○正義曰：亂治，釋詁文舍人曰：亂義之治也。孫炎曰：亂治之理也。大臣理國之政，此者所責之人，故言於此。我有治政之臣，言其同位於父祖，責其位同而心異也。貝者水蟲，古人取其甲以為貨，如今之用錢，然漢書食貨志：具有其事，貝是行用之貨也。貝玉是物之最貴者，責其貪財，故舉二物以言之。當時之臣不念盡忠於君，但念具貝玉而已，言其貪也。○**傳**：言汝至之罪。○正義曰：上句言成湯罪此諸臣，其祖父不救子孫之死，此句言臣之祖父請成湯討其子孫，以

不從已，故責之益深。先祖請討，非盤庚所知，原神之意而為之辭，以懼其子孫耳。○**傳**：言汝至督之。○正義曰：訓迪為道，言汝父祖開道，湯也不從君為不忠，違父祖為不孝。父祖開道，湯下罰，欲使從君順祖，陳忠孝之義，以督勵之。**嗚呼！今予告汝不易**。**傳**：凡所言皆不易之事。○易以鼓**永敬大恤無胥絕遠**。**傳**：長敬我言大憂行之，無相與絕遠，棄廢之。○遠于萬反。**汝分猷念以**，又如字注同。

相從各設中于乃心。**傳**：羣臣當分朋相與謀念，和以

相從各設中正於汝心。○分扶問反。

又如字注同。**乃有不吉不迪**

傳：不善不道，謂凶人。

顛越不恭暫遇姦宄。**傳**：顛隕越

墜也。不恭不奉上命，暫遇人而劫奪之，為姦於外，為

宄於內○暫才淡反

我乃劓殄滅之無遺育無俾易

種于兹新邑

傳

劓割育長也言不吉之人當割絕滅

之無遺長其類無使易種於此新邑○劓魚器反徐

吾氣反殄徒典

反易如字又以豉反注同長竹丈反下遺長同往哉生生今予將試以汝遷

永建乃家

傳

自今以往進進於善我乃以汝徙長立

汝家卿大夫稱家

疏

嗚呼至乃家○正義曰盤庚以言事將畢欲戒使入之故嗚呼

而嘆之今我告汝皆不易之事言其難也事既不易當長敬我言大憂行之無相絕遠棄廢之必須存心奉行汝羣臣當分輩相與計謀念和協以相從各設中正于汝心勿為殘害之事汝羣臣若有不善不道隕墜禮法不恭上命暫逢遇人即為姦宄而劫奪之我乃割絕滅之無有遺餘生長所以然者欲無使易

其種類於此新邑故耳自今以往哉汝當進進於善今我將用以汝遷長立汝使汝在位傳諸子孫勿得

違我言也○傳不易之事○正義曰此易讀為難易

之易不易言其難也王肅云告汝以命之不易為難

鄭玄云我所以告汝者不變易言必行之謂盤庚自

道已言必不改易與孔異○傳顛隕至於內○正義

曰釋詁云隕落隕墜顛越也是從上倒下之言故以

顛為隕越是遺落為墜也左傳僖九年齊桓公云恐

隕越於下文十八年史克云弗敢失墜隕越是遺落

廢失之意故以隕墜不恭為不奉上命也暫遇人而

劫奪之謂逢人即劫為之無已成十七年左傳曰亂

在外為姦在內為宄是劫奪之事故以劫奪解其姦

宄也○傳劓割至新邑○正義曰五刑截鼻為劓故

劓為割也育長釋詁文不吉之人當割絕滅之無遺

長其類謂早殺其人不使得子孫有此惡類也易種

者即今俗語云相染易也惡種在善人之中則善人

亦變易為惡故絕其類無使易種於此新邑也滅去

惡種乃是常法而言于此新邑言已若至新都當整

齊使潔清○傳自今至稱家○正義曰長立汝家謂賜之以族使子孫不絕左傳所謂諸侯命氏是也王朝大夫天子亦命之氏故云立汝家也

盤庚下第十一

商書

盤庚既遷奠厥攸居乃正厥位傳

定其所居正郊廟朝

社之位○奠田薦反朝直遙反

綏爰有衆曰無戲怠懋建大命

傳

安於有衆戒無戲怠勉立大教

今予其敷心腹腎

賜歷告爾百姓于朕志傳

布心腹言輸誠於百官以

告志

腎時忍反

罔罪爾衆爾無共怒協比讒言予

一人傳

羣臣前有此過故禁其後今我不罪汝汝勿

共怒我合比凶人而妄言○比毗志反

讒仕咸反

疏

盤庚至一

曰盤庚既遷至殷地定其國都處所乃正其郊廟朝

社之位又屬民而聚之安慰於其所有之衆曰汝等

自今以後無得遊戲怠惰勉力立行教命今我其布

心腹腎腸輸寫誠信歷徧告汝百姓於我心志者欲

遷之日民臣共怒盤庚恐其怖懼故開解之今

我無復罪汝衆人我既不罪汝汝無得如前共為忿

怒協比讒言毀惡我一人恕其前愆與之更始也○

傳定其至之位○正義曰訓攸為所定其所居總謂都城之內官府萬民之居處也鄭玄云徙主於民故先定其里宅所處次乃正宗廟朝廷之位如鄭之意奠厥攸居者止謂定民之居豈先令民居使足待其餘剩之處然後建王宮乎若留地以擬王宮即是先定王居不得為先定民矣孔惟言定其所居知是官民之居並定之也禮郊在國外左祖右社而朝後市

正厥位謂正此郊廟朝社之位也。○傳安於至大教。○正義曰鄭玄云勉立我大命使心識教令常行之。王肅云勉立大教建性命致之五福又案下句爾無共怒予一人是恐其不從已命此句宜言我有教命汝當勉力立之鄭說如孔旨也。○傳布心至告志。○正義曰此論心所欲言腹內之事耳以心為五臟之主腹為六腑之總腸在腹內腎在心下舉腎腸以配腹心詩曰公侯腹心宣十二年左傳云敢布腹心是腹心足以表內也。○傳言以遷徙腎腸配言之也。○**古我先王將多于前功**傳言以遷徙多大前人之功美。

適于山用降我凶德嘉績于朕邦

傳徙必依山之險無城郭之勞下去凶惡之德立善

功於我國。○降工巷反。○**今我民用蕩析離居罔有定**

極傳水泉沈溺故蕩析離居無安定之極徙以為之

極疏古我至定極。○正義曰言古者我之先王將欲用下去我凶惡之德立善功於我新國但徙來已久水泉沈溺今我在此之民用播蕩分析離其居宅無有安定之極我今徙而使之得其中也說其遷都之意亦欲多大前人之功定民極也。○傳言以至功美。○正義曰古我先王謂遷都者前人謂未遷者前人父居舊邑民不能相匡以生則是居無功矣盤庚言先王以此遷徙故多大前人之功美故我今遷亦欲多前功矣。○傳徙必至我國。○正義曰先王至此五邦不能盡知其地所都皆近山故總稱適于山也易坎卦象云王公設險以守其國徙必依山之險欲使下民無城郭之勞雖則近山不可全無城郭言其防守易耳徙必近山則舊處新居皆有山矣而云適于山者言其徙必依山不適平地不謂舊處無山故徙就山也水泉鹹鹵民居墊隘時君不為之徙即是凶惡之德其徙者是下去凶惡之德立善功於我新遷之國也言下者凶德在身下而墜去之。○傳水泉至

之極○正義曰民居積世穿掘處多則水泉盈溢令人沈深而陷溺其處不可安居播蕩分析離其居宅無安定之極極訓中也詩云立我烝民莫匪爾極言民賴后稷之功莫不得其中今為民失中故徙以為之中
爾謂朕曷震動萬民以遷傳言皆不明已本心也

肆上帝將復我高祖之德亂越我家傳以徙故天將

復湯德治理於我家○治直吏反**朕及篤敬恭承民命用**

永地于新邑傳言我當與厚敬之臣奉承民命用長

居新邑**肆予冲人非廢厥謀弔由靈**傳冲童童人謙

也弔至靈善也非廢謂動謀於衆至用其善○弔音的或如

字**各非敢違卜用宏茲賁**傳宏賁皆大也君臣用謀

不敢違卜用大此遷都大業○賁扶疏爾謂至茲賁

我徙以為民立中汝等不明我心乃謂我何故震動

萬民以為此遷我以此遷之故上天將復我高祖成

湯之德治理於我家我當與厚敬之臣奉承民命用

是長居於此新邑以此須遷之故我童蒙之人非敢

廢其詢謀謀於衆人衆謀不同至用其善者言善謀

者皆欲遷都也又決之於龜卜而得吉我與汝羣臣

各非敢違卜用是必遷光大此遷都之大業我徙本

意如此耳○傳以徙至我家○正義曰民害不徙違

失湯德以徙之故天必祐我將使復奉湯德令得治

萬曆十五年刊

書流卷九

三

之義也各者非一之辭故為君臣用謀不敢違卜洪
範云汝則有大疑謀及卿士謀及卜筮言非敢違卜
是既謀及於眾又決於著龜也用
大此遷都大謂立嘉績以大之也
嗚呼邦伯師長百
執事之人尚皆隱哉傳國伯二伯及州牧也眾長公

卿也言當庶幾相隱括共為善政○長竹丈
予其懋反註同

簡相爾念敬我眾傳簡大相助也勉大助汝念敬我

眾民○相息
朕不肩好貨敢恭生生鞠人謀人之保

居敘欽傳肩任也我不任貪貨之人敢奉用進進於

善者人之窮困能謀安其居者則我式序而敬之○
呼報反任
疏嗚呼至敘欽○正義曰言遷事已訖故

而林反
嘆而勅之嗚呼國之長伯及眾官之長

與百執事之人庶幾皆相與隱括共為善政哉我其

勉力大助汝等為善汝當思念愛敬我之眾民我不

任用好貨之人有人果敢奉用進進於善見窮困之

人能謀此窮困之人安居者我乃次序而敬用之○

傳國伯至善政○正義曰邦伯邦國之伯諸侯師長

故為東西二伯及九州之牧也鄭玄注禮記云殷之

州長曰伯虞夏及周皆曰牧此殷時而言牧者此乃

鄭之所約孔意不然故摠稱牧也師訓為眾眾長眾

官之長故為三公六卿也其百執事謂大夫以下諸

有職事之官皆是也此摠勅眾臣故二伯已下及執
事之人皆戒之也釋言云庶幾尚也反復相訓故尚
為庶幾庶幸也幾冀也隱謂隱審也幸冀相與隱審
檢括共為善政欲其同心共為善也隱括必是舊語
不知本出何書何休公羊序云隱括使就繩墨焉○
傳簡大至眾民○正義曰簡大釋詁文又云相助慮
也俱訓為慮是相得為助也盤庚欲使羣臣同心為
善欲勉力大佐助之使皆念敬我眾民也○傳肩任
至敬之○正義曰釋詁云肩勝也舍人曰肩強之勝

也強能勝重是堪任之義故為任也我今不委任貪
 貨之人以恭為奉人有向善而心不決志故美其人
 能果敢奉用進進於善者言其人好善不倦也鞠訓
 為窮鞠人謂窮困之人謀人之保居謂謀此窮人之
 安居若見人之窮困能謀安其居愛人而樂安存之
 者則我式序而敬之詩云式序在位言其用次序在
 官位也鄭王皆以鞠為養言能謀養人
 安其居者我則次序而敬之與孔不同
爾于朕志若否罔有弗欽
 已進告汝之後順於汝

心與否當以情告我無敢有不敬
 報反
 告故

無總于貨

寶生生自庸
 傳

無總貨寶以已位當進進皆自用功

德 **式敷民德求肩一心**
 傳

用布示民必以德義長在

一心以事君

疏 今我至一心。正義曰今我既進而
 告汝於我心志矣其我所告順合於

汝心以否當以情告我無得有不敬者汝等無得總
 於貨寶以求官位當進進自用功德不當用富也用
 此布示於民必以德義長在一心以事君
 不得懷二意以遷都既定故殷勤以戒之

奉訓大夫司經

勅重校刊

不計刺二意以影...
此亦示然月必以...
然賞實以末官立...
效心以否當以辭...
古姓無軒首不...
端春文等無計...
實生自...
實生自...
實生自...

尚書註疏卷第十

漢孔氏傳

唐孔穎達疏

皇明朝列大夫國子監祭酒臣田一儁

奉訓大夫司經局洗馬管司業事臣盛訥等奉

勅重校刊

說命上第十二

商書

高宗夢得說

傳

盤庚弟小乙子名武丁德高可尊故號

高宗夢得賢相其名曰說。說本又作兌音悅註及

下篇同相息亮及下同

使百工營求諸野得諸傅巖

傳

使百官以所夢之形

象經求之於野得之於傅巖之谿

作說命三篇傳

命

說為相使攝政

疏

高宗至三篇。正義曰：殷之賢王有高宗者，夢得賢相，其名曰說。羣

臣之內既無其人，使百官以所夢之形象經營求之於野外，得之于傅氏之巖，遂命以為相。史敘其事，作

說命三篇。傳：盤庚至曰說。正義曰：世本云盤庚崩，弟小辛立，崩弟小乙立，崩子武丁立，是武丁為盤

庚弟小乙子也。喪服四制云：高宗者，武丁武丁者，殷之賢王也。當此之時，殷衰而復興，禮廢而復起，中而

高之，故謂之高宗。是德高可尊，故號高宗也。經云：爰立作相，王呼之曰說，知其名曰說。傳：使百至之谿

○正義曰：以工為官，見其求者衆多，故舉百官言之。使百官以所夢之形象經營求於外野，皇甫謐云：使

百工寫其形象，則謂工為工巧之人，與孔異也。釋水云：水注川曰谿，李巡曰：水出於山入於川曰谿，然則

谿是水流之處，巖是山崖之名，序稱得諸傅巖，傳云得之於傅巖之谿，以巖是揔名，故序言之耳。傳：命

說至攝政。○正義曰：經稱爰立作相，是命為相也。惟說命揔百官，是使攝位也。

說命傳

始求得而命之

疏

說命。○正義曰：此三篇上篇言夢說始求得而

命之中篇說既揔百官，戒王為政下篇王欲師說而學說報王為學之有益，王又厲說以伊尹

之功相對以成章史分序以為三篇也

王宅憂亮陰三祀

傳

陰默也。居憂信默三年不言。○亮本又

作諒如字

疏

王宅憂亮陰三祀。○正義曰：言王居父又力章反。憂信任豕宰默而不言，已三年矣。三年

不言，自是常事。史錄此句於首者，謂既免喪事，可以言而猶不言，故述此以發端也。傳：陰默至不言。○

正義曰：陰者幽闇之義，默亦闇義，故為默也。易稱君子之道，或默或語，則默者不言之謂也。無逸傳云：乃

有信默三年不言，有此信。既免喪其惟弗言。傳：除喪默則信，謂信任豕宰也。

既免喪其惟弗言傳

除喪

猶不言政

羣臣咸諫于王曰嗚呼知之曰明哲明哲

實作則傳

知事則為明智明智則能制作法則○哲

本又

作天子惟君萬邦百官承式傳

天下待令百官仰法

王言惟作命不言臣下罔攸稟令傳

稟受令亦命也

王庸作書以誥曰以台正于四方惟恐德弗類茲故

弗言傳

用臣下怪之故作誥類善也我正四方恐德

不善此故不言○誥故報

恭默思道夢帝賚予良弼

其代予言傳

夢天與我輔弼良佐將代我言政教○

力代反乃審厥象俾以形旁求于天下傳

審所夢之

徐音來人刻其形象以四方旁求之於民間○俾必

說築傳

巖之野惟肖傳

傳氏之巖在虞虢之界通道所經有

間水壞道常使胥靡刑人築護此道說賢而隱代胥

靡築之以供食肖似似所夢之形○肖音笑號寡白

反壞音怪供音恭疏傳傅氏至之形○正義曰傳以傅為氏此巖以傅

為名明巖傍有姓傅之民故云傅氏之巖也尸子

云傅巖在北海之洲傳言虞虢之界孔必有所案據

而言之也史記殷本紀云是時說為胥靡築於傅險

晉灼漢書音義云胥相也靡隨也古者相隨坐輕刑

之名言於時築傳險則以杵築地傳說賢人必身不

犯罪言其說為胥靡當是時代胥靡也傳云通道所

經有間水壞道常使胥靡刑人築護此道說賢而隱

代胥靡築之以供食或亦有成文也殷本紀又云武

諸傳巖高宗因以傳命說為氏案序直言夢得說不言傳或如馬鄭之言如高宗始命為傳氏不知舊何氏也皇甫謐云高宗夢天賜賢人胥靡之衣蒙之而來曰云我徒也姓傳名說天下得我者豈徒也哉武丁悟而推之曰傳者相也說者懽悅也天下當有傳我而說民者哉明以夢視百官百官皆非也乃使百工寫其形象求諸天下果見築者胥靡衣褐帶索執役于虞虢之間傳巖之野名說以其得之傳巖謂之傳說案謐言初夢即云姓傳名說又言得之傳巖謂之傳說其言自不相副謐惟見此書傳會為近世之語其言非實事也

爰立作相王置諸其左右傳於是禮命立以為相使在左右

命之曰朝夕納誨以輔台德傳言當納諫誨直辭以輔我德○朝張遙反

若金用汝作礪傳鐵須礪以成利器○礪力世反

若濟巨川用汝作舟楫傳渡大水待舟楫○楫音接

若歲大旱用汝作霖雨傳霖三日雨霖以救旱

若歲大旱用汝作霖雨傳霖三日雨霖以救旱

若歲大旱用汝作霖雨傳霖三日雨霖以救旱

若歲大旱用汝作霖雨傳霖三日雨霖以救旱

若歲大旱用汝作霖雨傳霖三日雨霖以救旱

若歲大旱用汝作霖雨傳霖三日雨霖以救旱

若歲大旱用汝作霖雨傳霖三日雨霖以救旱

若歲大旱用汝作霖雨傳霖三日雨霖以救旱

厥足用傷傳

跌必視地足乃無害言欲使為已視聽

○跌先典反徐七顯反為于為反

惟暨乃僚罔不同心以匡乃辟傳

與汝並官皆當倡率無不同心以匡正汝君○辟必亦反

俾率先王迪我高后以康兆民傳

言匡正汝君使循

先王之道蹈成湯之蹤以安天下

嗚呼欽予時命其

惟有終傳

敬我是命修其職使有終

說復于王曰惟

木從繩則正后從諫則聖傳

言木以繩直君以諫明

后克聖臣不命其承傳

君能受諫則臣不待命其承

意而諫之

疇敢不祗若王之休命傳

言王如此誰敢

不敬順王之美命而諫者乎

說命中第十三

商書

惟說命總百官傳

在冢宰之任○總

音摠

惟說命總百官

傅說受王命總百官之職謂在冢宰之任也說以官高任重乃進言於王故史特標此句為發言之端也

乃進于王曰嗚呼明王奉若天道建邦設都傳

天有

日月北斗五星二十八宿皆有尊卑相正之法言明

王奉順此道以立國設都

○宿

音秀

疏傳天有至設都○

者天地其次君臣易繫辭云天垂象見吉凶聖人象之皆言人若法天以設官順天以致治也天有日月

照臨晝夜猶王官之伯率領諸侯也北斗環繞北極猶卿士之周衛天子也五星行於列宿猶州牧之省察諸侯也二十八宿布於四方猶諸侯為天子守土也天象皆有尊卑相正之法言明王奉順天道以立國設都也立國謂立王國及邦國設都謂設帝都及諸侯國都總言建國立家之事

公承以大夫師長傳言立君臣上下將陳為治之本故先舉其始○王于方反長竹丈

疏樹后至師長○正義曰此又摠言設官分職之事也樹立也后王謂天子也君公謂諸侯也承者奉上之名后王君公人主也大夫師長人臣也臣當奉行君命故以承言之周禮立官多以師為名師者眾所法亦是長之義也大夫已下分職不同每官各有其長故以師長言之三公則君公之內包之卿則大夫之文兼之師長之言亦通有將陳為治之本故先舉其始略言設官故辭不詳備為治之本惟天聰明已下皆是也

惟以亂民傳不使有位者逸豫民上言立之主使治

民○豫羊
惟天聰明惟聖時憲惟臣欽若惟民從乂傳憲法也言聖王法天以立教於下無不聞見除其所惡納之於善雖復運有推移道有升降其所施為

未嘗不法天也臣敬順而奉之奉即上文承也奉承君命而布之於民民以從上為治不從上命則亂故

從乂也○從才
惟口起羞惟甲冑起戎傳甲鎧冑兜

蓋也言不可輕教令易用兵○冑直又反鎧苦代反

以鼓
惟衣裳在笥惟干戈省厥躬傳言服不可加非

其人兵不可任非其才○笥息嗣反省

疏惟口至厥

曰言王者法天施化其舉止不可不慎惟口出令不

善以起羞辱惟甲冑伐非其罪以起戎兵言不可輕

教令易用兵也惟衣裳在篋笥不可加非其人觀其

能足稱職然後賜之惟干戈在府庫不可任非其才

省其身堪將帥然後授之上二句事相類下二句文

不同者衣裳言在篋笥干戈不言所在干戈云省厥

躬衣裳不言視其人令其互相足也○**傳**甲鎧至用

兵○正義曰經傳之無鎧與兜鍪蓋秦漢已來始有

此名傳以今曉古也古之甲冑皆用犀兕未有用鐵

者而整鎧之字皆從金蓋後世始用鐵耳口之出言

為教令甲冑與師乃用之言不可輕教令易用兵也

易亦輕也安危在出令令之不善則人為背之是起

羞也靜亂在用兵伐之無罪則人叛違之是起戎也

○**傳**言服至其才○正義曰非其人非其才義同而

互文也周禮大宗伯以九儀之命正邦國之位一命

受職再命受服三命受位四命受器五命賜則六命

賜官七命賜國八命作牧九命作伯鄭云一命始見
命為正吏受職治職事也列國之士一命王之下士
亦一命再命受服受玄冕之服列國之大夫再命王
之中士亦再命然則再命已上始受衣服未賜之時
在官之篋笥也甲冑干戈俱是軍器上言不可
輕用兵此言不可妄委人雖文重而意異也 **王惟**

戒茲允茲克明乃罔不休

傳言王戒慎此四惟之事

信能明政乃無不美

惟治亂在庶官

傳言所官得人

則治失人則亂

官不及私昵惟其能

傳不加私昵惟

能是官○昵女

爵罔及惡德惟其賢

傳言非賢不爵

疏官不至其賢○正義曰王制云論定然後官之任

官然後爵之鄭云官之使之試守也爵之命之也

然則治其事謂之官受其位謂之爵官爵一也所從

惟其能受位宜得賢故爵云惟其賢詩序云任賢使能周禮鄉大夫三年則大比考其德行道藝而與賢者能者鄭云賢者有德行者能者有道藝者是賢能為異耳私昵謂知其不可而用之惡德謂不知其非而任之戒王使審求人絕私好也慮善以動動惟厥時傳非善非時不可動

有其善喪厥善矜其能喪厥功傳

雖天子亦

必讓以得之○喪息疏有其至厥功○正義曰人生浪反尚謙讓而憎自取自有其善

則人不以為善故實善而喪其善自誇其能則人不以為能故實能而喪其能由其自取故人不與之有其善則伐善也舜美禹云汝惟不矜天下莫與汝爭能汝惟不伐天下莫與汝爭功是言推而不有故名反歸惟事事乃其有備有備無患傳事事非一事無之也

啓寵納侮傳

開寵非其人則納侮之道疏無啓寵納侮○正義

曰君子位高益恭小人得寵則慢若寵小人則必恃寵慢主無得開小人以寵自納此輕侮也開謂君出恩以寵臣納謂臣入慢以輕王無恥過作非傳恥過據君而言開納以出入為文也

誤而文之遂成大非疏傳取過至大非○正義曰仲小人過過皆惜而不改論語云小人之過也必文恥有過誤而更以言辭文飾之望人不覺其非彌甚故遂成大非也惟厥攸居政事惟醇傳其所居行皆如所言則王之政事醇粹○醇音純

粹雖遂反黷于祭祀時謂弗欽禮

煩則亂事神則難傳

祭不欲數數則黷黷則不敬事神禮煩則亂而難行高宗之祀特豐數近廟故說因

以戒之○黷徒木反疏傳祭不至戒之○正義曰祭數色角反

記祭義文也此一經皆言祭祀之事禮煩亦謂祭祀之煩故傳總云事神禮煩亂而難行孔以高宗彤日祖已訓諸王祀無豐于昵謂傳說此言為彼事而發故云高宗之祀特豐數於近廟故說因而戒之

王曰旨哉說乃言惟服

傳

旨美也美其所言皆可服行

乃不良于言予罔聞于行

傳

汝若不善於所言則我

無聞於所行之事

說拜稽首曰非知之艱行之惟艱

傳

言知之易行之艱以勉高宗

王忱不艱允協于先

王成德

傳

王心誠不以行之為難則信合於先王成

德○忱市

林反

惟說不言有厥咎

傳

王能行善而說不言

則有其咎罪

說命下第十四

商書

王曰來汝說台小子舊學于甘盤

傳

學先王之之道甘盤

殷賢臣有道德者○台

音怡

疏

王曰至甘盤○正義曰舊學于甘盤謂為王子時也

君爽篇周公仰陳殷之賢臣云在武丁時則有若甘盤然則甘盤於高宗之時有大功也上篇高宗免喪

不言即求傳說似得說時無賢臣矣蓋甘盤於小乙

之世以為大臣小乙將崩受遺輔政高宗之初得有

大功及高宗免喪甘盤已死故君爽傳曰高宗即位

甘盤佐之後有傳說是言傳說之前有甘盤也但下

句言既乃遜于荒野是學訖乃

既學而中廢業遜居田野河洲也其父欲使

于河

傳

高宗知民之艱苦故使居民間○遜徒
頻反
疏傳既學至

義曰河是水名水不可居而云入宅于河知在河之

洲也釋水云中可居者曰洲初遜田野後入河洲

言其徙居無常也無逸云其在高宗時舊勞於外爰

暨小人言其父欲使高宗知民之艱苦故使居民間

也於時蓋未為太子殷道雖質自河徂亳暨厥終罔

不可既為太子更得與民雜居自河徂亳暨厥終罔

顯傳自河徂居亳與今其終故遂無顯明之德爾惟

訓于朕志傳言汝當教訓於我使我志通達若作酒

醴爾惟麴傳酒醴須麴藥以成亦言我須汝以成

○麴起六反若作和羹爾惟鹽梅傳鹽鹹梅醋羹須

藥魚列反若作和羹爾惟鹽梅傳鹽鹹梅醋羹須

鹹醋以和之若作和羹爾惟鹽梅傳鹽鹹梅醋羹須

○羹音庚一音衡鹽余廉反梅亦爾交

作樛醋七故反和如字又胡臥反爾交

脩予罔予棄予惟克邁乃訓傳交非一之義邁行也

言我能行汝教疏傳交非至汝教○正義曰爾交脩

非一之義言交互教之非說曰王人求多聞時惟建

一事之義邁行釋詁文說曰王人求多聞時惟建

事學于古訓乃有獲傳王者求多聞以立事學於古

訓乃有所得事不師古以克末世匪說攸聞傳事不

法古訓而以能長世非說所聞言無是道惟學遜志

務時敏厥脩乃來傳學以順志務是敏疾其德之脩

乃來疏惟學至乃來○正義曰人志本欲求善欲學

順人本志學能務是敏疾則其德之脩乃自

來言務之既疾則允懷于茲道積于厥躬傳信懷此

德自來歸已也允懷于茲道積于厥躬傳信懷此

萬曆十五年刊

書流卷下

九

洪以忠

學志則道積於其身

惟敦學半念終始典于學厥德

脩罔覺傳

敦教也教然後知所因是學之半終始常

念學則其德之脩無能自覺

○敦戶疏惟敦至罔覺

人然後知困知困必將自強惟教人乃是學之半言

其功半於學也於學之法念終念始常在於學則其

德之脩漸漸進益無能自覺其

進言日有所益不能自知也○監于先王成憲其未

無愆傳

愆過也視先王成法其長無過其惟學乎○

起虔反惟說式克欽承旁招俊乂列于庶位傳言王能

志學說亦用能敬承王志廣招俊乂使列衆官○俊

本又本又王曰嗚呼說四海之內咸仰朕德時乃風傳風教

也使天下皆仰我德是汝教○仰如字

徐五亮反股肱惟人良

臣惟聖傳

手足具乃成人有良臣乃成聖

昔先正保

衡作我先王傳

保衡伊尹也作起正長也言先世長

官之臣○長竹丈

疏保衡至之臣○正義曰保衡

為保衡言天下所取安所取平也鄭箋云阿倚衡平

也伊尹湯所倚而取平也故以為官名又云太甲

時曰保衡鄭不見古文太甲云不惠于阿衡故此為

特以此名號伊尹也作訓為起

乃曰予弗克俾厥后

言起而助湯也正長釋詁文

惟堯舜其心愧恥若撻于市傳

言伊尹不能使其君

如堯舜則恥之若見撻于市故成其能○俾必爾反

撻他達反

一夫不獲則曰時予之辜

伊尹見一夫不得其所

則以為已罪佑我烈祖格于皇天

言以此道左右

成湯功至大天無能及者

爾尚明保予罔俾阿衡專

美有商

汝庶幾明安我事則與伊尹同美○阿烏

惟后非賢不又惟賢非后不食

言君須賢治賢須

君食○治直

其爾克紹乃辟于先王未綏民

能繼

汝君於先王長安民則汝亦有保衡之功○辟必

說

拜稽首曰敢對揚天子之休命

對答也答受美命

而稱揚之

高宗彤日第十五

商書

高宗祭成湯有飛雉升鼎耳而雉

耳不聰之異雉鳴

○雉工

祖已訓諸王

賢臣也以訓道諫王

○已作

高宗彤日高宗之訓

所以訓也亡

○彤

疏

高宗至

正義曰高宗祭其太祖成湯於彤祭之日有飛雉來升祭之鼎耳而雉鳴其臣祖已以為王有失德而致此祥遂以道義訓王勸王改脩德政史敘其事作高宗彤日高宗之訓二篇○傳耳不至雉鳴○正義曰

經言彤日有雉雉不知祭何廟鳴何處故序言祭成湯升鼎耳以足以禘祫與四時之祭祭之明日皆為彤祭不知此彤是何祭之彤也洪範五事有貌言視聽思若貌不恭言不從視不明聽不聰思不睿各有

妖異與焉雉乃野鳥不應入室今乃入宗廟之內升
 鼎耳而鳴孔以雉鳴在鼎耳故以為耳不聰之異也
 洪範五行傳云視之不明時則有羽蟲之孽聽之不
 聰時則有介蟲之孽言之不從時則有毛蟲之孽貌
 之不恭時則有鱗蟲之孽思之不睿時則有保蟲之
 孽先儒多以此為羽蟲之孽非為耳不聰也漢書五
 行志劉歆以為鼎三足三公象也而以耳行野鳥居
 鼎耳是小人將居公位敗宗廟之祀也鄭云鼎三公
 象也又用耳行雉升鼎耳而鳴象視不明天意若云
 當任三公之謀以為政劉鄭雖小異其為羽蟲之孽
 則同與孔意異詩云雉之朝雉尚求其雌說文云雉
 雄雉鳴也雷始動雉乃鳴而雉其頸○傳所以訓也
 亡○正義曰名高宗之訓所以訓高宗也此二篇俱
 是祖已之言竝是訓王之事經云乃訓于王此篇亦
 是訓也但所訓事異分為二篇標此為發言之端故
 以彤日為名下篇摠諫王之事故名之訓終始互相
 明也肆命祖后孔歷其名於伊尹之下別為之傳此
 高宗之訓因序為傳不重出名者此以訓王事同因

解文便作傳
 不為例也

高宗彤日傳

祭之明日又祭殷曰彤周曰繹○繹音亦

字書作釋爾雅云又祭也

周曰繹商曰彤夏曰復昨疏傳祭之至曰繹○

又祭也周曰繹商曰彤孫炎曰祭之明日尋繹

復祭也彤者相尋不絕之意春秋宣八年六月

辛巳有事於太廟壬午猶繹穀梁傳曰繹者祭

之旦日之享賓也是彤者祭之明日又祭也爾

雅因繹祭而本之上世故先周後商此以上代

先後故與爾雅倒也釋天文云夏曰復昨郭璞

云未見所出或無此一句孔傳不言夏曰復昨

萬曆十五年刊

書疏卷下

三

高宗彤日越有雉雉傳

於彤日有雉異

祖已曰惟先格

夫曰儼尸與正祭同日鄭康成註詩鳧
 鷺云祭天地社稷山川五祀皆有繹祭

王正厥事傳

言至道之王遭變異正其事而異自消

疏高宗至厥事○正義曰高宗既祭成湯彤祭之日於是有雉鳴之雉在於鼎耳此乃怪異之事賢臣

祖已見其事而私自言曰惟先世至道之王遭遇變異則正其事而異自消也既作此言乃進言訓王史

錄其事以為訓王之端也○**傳**言至自消○正義曰格訓至也至道之王謂用心至極行合於道遭遇變

異改脩德教正其事而異自消大戊拱木武丁雉雉皆感變而懼殷道復興是異自消之驗也至道之王

當無災異而云遭變消災者天或有譴告使之至道未必為道不至而致此異且此勸戒之辭不可執文

以害意也此經直云祖已曰不知與誰語鄭云謂其黨王肅云言于王下句始言乃訓于王此句未是告

王之辭私言告乃訓于王曰惟天監下民典厥義傳人鄭說是也

祖已既言遂以道訓諫王言天視下民以義為常降

年有永有不永非天天民民中絕命傳

言天之下年

與民有義者長無義者不長非天欲天民民自不脩

義以致絕命○中竹仲反又如字

民有不若德不聽罪天既孚

命正厥德傳

不順德言無義不服罪不改脩天已信

命正其德謂有永有不永

疏乃訓至厥德○正義曰祖已既私言其事乃以

道訓諫於王曰惟天視此下民常用其義言以義視下觀其為義以否其下年與民有長者有不長者言

與為義者長不義者短短命者非是天欲天民民自不脩義使中道絕其性命但人有為行不順德義有

過不服聽罪過而不改乃致天罰非天欲天之也天既信行賞罰之命正其馭民之德欲使有義者長不

義者短王安得不行義事求長命也○**傳**言天至絕命○正義曰經惟言有永有不永安知由義者以上

句云惟天監下民典厥義天既以義為常知命之長短莫不由義故云天之下年與民有義者長無義者不長也民有五常之性謂仁義禮智信也此獨以義為言者五常指體則別理亦相通義者宜也得其事宜五常之名皆以適宜為用故稱義可以揔之也民有貴賤貧富愚智好醜不同多矣獨以天壽為言者鄭玄云年命者蠢愚之人尤愒焉故引以諫王也愒貪也洪範五福以壽為首六極以短折為先是年壽者最是人之所貪故祖已引此以諫王也○傳不順至不來○正義曰傳亦顧上經故不順德言無義也聽謂聽從故以不聽為不服罪言既為罪過而不肯改脩也天已信命正其德言天自信命賞有義罰無義此事必信也天自正其德福善禍淫其德必不差也謂民有永有不永天隨其善惡而報之勸王改過修德以乃曰其如台傳祖已恐王未受其言故乃復求永也曰天道其如其所言○台音怡復扶又反嗚呼王司敬民罔非

天胤典祀無豐于昵

胤嗣昵近也歎以感王入其

胤嗣昵近也歎以感王入其

言王者主民當敬民事民事無非天所嗣常也祭祀有常不當特豐於近廟欲王因異服罪改修之○豐

反昵女乙反尸子云不避遠昵昵近疏嗚呼至于昵也又乃禮反馬云昵考也謂禰廟也○正義曰祖

已恐其言不入王意又歎而戒之嗚呼王者主民當謹敬民事民事無非天所繼嗣以為常道者也天以

其事為常王當繼天行之祀禮亦有常無得豐厚於近廟若特豐於近廟是失於常道高宗豐於近廟欲

王服罪改修也○傳胤嗣至改修之○正義曰釋詁云胤嗣繼也俱訓為繼是胤得為嗣嗣亦繼之義也

釋詁云即尼也孫炎曰即猶今也尼者近也郭璞引尸子曰悅尼而來遠是尼為近也尼與昵音義同烝民不能自治自立君以主之是王者主民也既與民為主當敬慎民事民事無大小無非天所嗣常也言

天意欲令繼嗣行之所以為常道也祭祀有常謂犧
牲粢盛尊彝俎豆之數禮有常法不當特豐於近廟
謂犧牲禮物多也祖已知高宗豐於近廟欲王因此
雖雉之異服罪改修以從禮耳其異不必由豐近而
致之也王肅亦云高宗豐於禰故
有雉雉升遠祖成湯廟鼎之異

西伯戡黎第十六

商書

殷始咎周

傳 咎惡 ○ 咎其九反馬云
咎周者為周所咎

周人乘黎

傳 乘勝

也所以見惡 ○ 黎力弓反國名
尚書大傳作者

祖伊恐

傳 祖已後賢

臣奔告于受

傳 受紂也音相亂帝乙之子嗣立暴虐

無道 ○ 受如字傳云受紂也音相亂馬云受
讀曰紂或曰受婦人之言故號曰受也

作西伯

戡黎

傳 戡亦勝也 ○ 伯亦作柏戡音堪說文作戡云
殺也以此戡訓刺音竹甚反勝詩

證 **疏** 殷始至戡黎 ○ 正義曰文王功業稍高王兆漸
反著殷之朝廷之臣始畏惡周家所以畏惡之者

以周人伐而勝黎邑故也殷臣祖伊見周克黎國之
易恐其終必伐殷奔走告受言殷將滅史敘其事作

西伯戡黎 ○ **傳** 咎惡又云乘勝至見惡 ○ 正義曰易
繫辭云無咎者善補過也則咎是過之別名以彼過

而憎惡之故咎為惡也以其勝黎所以見惡釋其見
惡之由是周人勝黎之後始惡之詩毛傳云乘陵也

乘駕是加陵之意故乘為勝也鄭玄云紂聞文王斷
虞芮之訟又三伐皆勝而始畏惡之所言據書傳為

說伏生書傳云文王受命一年斷虞芮之質二年伐
邠三年伐密須四年伐犬夷五年伐者六年伐崇七

年而崩者即黎也乘黎之前始言惡周故鄭以伐邠
伐密須伐犬夷三伐皆勝始畏惡之武成篇文王誕

膺天命九年乃崩則伐國之年不得如書傳所說未
必見三伐皆勝始畏之 ○ **傳** 祖已後賢臣 ○ 正義曰

此無所出正以同為祖氏知其後明能先覺故知賢臣○傳受紂至無道○正義曰經云奔告于王王無諡號故序言受以明之此及泰誓武成皆呼此君為受自外書傳皆呼為紂受即紂也音相亂故字改易耳殷本紀云帝乙崩子辛立是為帝辛天下謂之紂鄭玄云紂帝乙之少子名辛帝乙愛而欲立焉號曰受德時人傳聲轉作紂也史掌書知其本故曰受與孔大同諡法云殘義損善曰紂殷時未有諡法後人見其惡為作惡義耳○傳戡亦勝也○正義曰戡勝釋詁文孫炎曰戡強之勝也

西伯戡黎

西伯既戡黎

傳近王圻之諸侯在上黨東北○近附近依疏西伯戡黎○正義曰鄭玄云西伯周文王也時反國於岐封為雍州伯也國在西故曰西伯王肅云王者中分天下為二公摠治之謂之二伯得專行征伐文王為西伯黎侯無道文王伐而勝之兩說不

同孔無明解下傳云文王率諸侯以事紂非獨率一州之諸侯也論語稱三分天下有其二以服事殷謂文王也終乃三分有二豈獨一州牧乎且言西北對東為名不得以國在西而稱西伯也蓋同王肅之說○傳近王至東北○正義曰黎國漢之上黨郡壺關所治黎亭是也紂都朝歌王圻千里黎在朝歌之西故為近王圻之諸侯也鄭云入紂圻內文王猶尚事紂不可伐其圻內所言圻內亦無文也

祖伊
恐奔告于王曰天子天既訖我殷命
傳文王率諸侯以事紂內秉王心紂不能制今又克有黎國迫近王圻故知天已畢訖殷之王命言將化為周○王心于

宜王疏傳文王至為周○正義曰襄四年左傳云文

者同疏王率殷之叛國以事紂是率諸侯共事紂也

貌雖事紂內秉王心布德行威有將王之意而紂不能制日益強大今復克有黎國迫近王圻似有天助

之力故云天已畢訖殷之王命言
殷祚至此而畢將欲化為周也
格人元龜罔敢知
吉傳至人以人事觀殷大龜以神靈考之皆無知吉

疏傳至人至知吉○正義曰格訓為至至人謂至道
之人有所識解者也至人以人事觀殷大龜有神
靈逆知來物故大龜以神靈考之二者皆無知殷有
吉者言必凶也祖伊未必問至人親灼龜但假之以
為言
耳
非先王不相我後人惟王淫戲用自絕傳非先
祖不助子孫以王淫過戲逸用自絕於先王○相息
亮反

故天棄我不有康食不虞天性不迫率典傳以紂自

絕於先王故天亦棄之宗廟不有安食於天下而王
不度知天性命所在而所行不蹈循常法言多罪○
度

待洛疏傳以紂至多罪○正義曰禮記稱萬物本於
反疏天人本於祖則天與先王俱是人君之本紂
既自絕於先王亦自絕於天上經言紂自絕先王此
言天棄紂互明紂自絕然後天與先王棄絕之故傳
申通其意以紂自絕先故天亦棄之亦者亦先王言
先王與天俱棄之也孝經言天子得萬國之歡心以
事其先王然後祭則鬼享之今紂既自絕於先王先
王不有安食於天下言紂雖以天子之尊事宗廟宗
廟之神不得安食也而王不度知天命所在不知已
之性命當盡也而所行不蹈循常法動悉違法言多
罪
今我民罔弗欲喪曰天曷不降威大命不摯今王
其如台傳摯至也民無不欲王之亡言天何不下罪
誅之有大命宜王者何以不至王之凶害其如我所

言○摯音至疏傳摯至也至所言○正義曰摯至同
本又作藝疏音故摯為至也言天何不下罪誅之

恨其久行虐政欲得早殺之也有大命宜王者何以不至向望大聖之君欲令早伐紂也王之凶禍其如我之所言以王不信故審告之也

王曰嗚呼我生不有命在天

傳言

我生有壽命在天民之所言豈能害我遂惡之辭

祖

伊反曰嗚呼乃罪多參在上乃能責命于天

傳反報

紂也言汝罪惡衆多參列於上天天誅罰汝汝能責

命于天拒天誅乎

參七南反馬云參字累在上

殷之即喪指乃功

不無戮于爾邦

傳言殷之就亡指汝功事所致汝不

得無死戮於殷國必將滅亡立可待

微子第十七

商書

殷既錯天命

傳錯亂也○錯七各反馬云廢也

微子作誥父師少

師

傳告二師而去紂○少詩疏

殷既至少師○正義曰殷紂既暴虐無道

錯亂天命其兄微子知紂必亡以作言誥告父師箕子少師比于史敘其事而作此篇也名曰微子而不言作微子者已言微子作誥以可知而省文也○**錯亂也**○正義曰交錯是渾亂以義故為亂也不指言紂惡而言錯亂天命者天生蒸民立君以牧之為君而無君道是錯亂天命為惡之大故舉此以見惡之極耳

微子

傳微圻內國名子爵為紂卿士去無道

疏傳

圻至無道○正義曰微國在圻內先儒相傳為然鄭玄以為微與箕俱在圻內孔雖不言箕亦

當在圻內也王肅云微國名子爵入為王卿士肅意蓋以微為圻外故言入也微子名啓世家作開避漢景帝諱也啓與其弟仲衍皆是紂之同母庶兄史記稱微仲衍亦稱微者微子封微以微為氏故弟亦稱微猶如春秋之世虞公之弟稱虞叔祭公之弟稱祭叔微子若非大臣則無假憂紂亦不必須去以此知其為卿士也傳云去無道者以去見其為卿士也

微子若曰父師少師

傳

父師太師三公箕子也少師孤

卿比干微子以紂距諫知其必亡順其事而言之

殷

其弗或亂正四方

傳

或有也言殷其不有治正四方

之事將必亡○治直

吏反

我祖底遂陳于上

傳

言湯致遂

其功陳列於上世

我用沈酗于酒用亂敗厥德于下

傳

我紂也沈酒酗管敗亂湯德於後世○沈徐直金

反酗況具反

以酒為凶曰酗說文作酌云酒管面善反管音誅說文于命反酌酒也

殷罔不小大好

草竊姦宄

傳

草野竊盜又為姦宄於內外○好呼報反宄音軌

卿士師師非度凡有辜罪乃罔恆獲

傳

六卿典士相

師效為非法度皆有辜罪無秉常得中者○度

小民

方輿相為敵讎

傳

卿士既亂而小人各起一方共為

敵讎言不和同○讎常

今殷其淪喪若涉大水其無

津涯

傳

淪沒也言殷將沒亡如涉大水無涯際無所

依就○淪音倫徐力允反喪息

浪反涯五皆反又宜佳反

殷遂喪越至于今

傳

言遂喪亡於是至於今到不待久

疏

微子至于今○正義曰微子將

洪

欲去殷順其去事而言曰父師少師呼二師與之言也今殷國其將不復有治正四方之事言其必滅亡也昔我祖成湯致行其道遂其功業陳列於上世矣今我紂惟用沈酒醜營於酒用是亂敗其祖之德於下由紂亂敗之故今日殷人無不小大皆好草竊姦宄雖在朝卿士相師師為非法度之事朝廷之臣皆有辜罪乃無有一人能秉常得中者在外小人方方各起相與共為敵讎荒亂如此今殷其沒亡若涉大水其無津濟涯岸殷遂喪亡言不復久也此喪亡於是至於今到必不得更久也○傳父師至而言○正義曰以畢命之篇王呼畢公為父師畢公時為太師也周官云太師太傅太保茲惟三公少師少傅少保曰三孤家語云比干官則少師少師是比干知太師是箕子也編檢書傳不見箕子之名惟司馬彪注莊子云箕子名胥餘不知出何書也周官以少師為孤此傳言孤卿者孤亦卿也考工記曰外有九室九卿

朝焉是三孤六卿共為九卿也比干不言封爵或本無爵或有而不言也家語云比干是紂之親則諸父知比干是紂之諸父耳箕子則無文宋世家云箕子者紂親戚也止言親戚不知為父為兄也鄭玄王肅皆以箕子為紂之諸父服虔杜預以為紂之庶兄既無正文各以意言之耳微子以紂距諫知其必亡心欲去之故順其去事而言呼二師以告之○傳或有至必亡○正義曰或者不定之辭其事欲當然則是也此事故以或為有也鄭玄論語注亦云或之言有也其不有治正四方之事言將必亡○傳我紂至後世○正義曰嗜酒亂德是紂之行故知我我紂也人以酒亂若沈於水故以耽酒為沈也酒然齊同之意詩云天不酒爾以酒鄭云天不同汝顏色以酒是酒謂酒變面色酒然齊同無復平時之容也說文云醜營也然則醜營一物謂飲酒醉而發怒經言亂敗其德必有所屬上言我祖指謂成湯知言敗亂湯德於後世也上謂前世故下為後世也○傳六卿至中者

○正義曰士訓事也故卿士為六卿典事師師言相師效為非法度之事也止言卿士以貴者尚爾見賤者皆然故王肅云卿士以下轉相師效為非法度之事也鄭云凡猶皆也傳意亦然以凡為皆言卿士以下在朝之臣其所舉動皆有辜

曰父師少師我其發

罪無人能乘常行得中正者

出狂吾家耄遜于荒 傳 我念殷亡發疾生狂在家耄

亂故欲遜出於荒野言愁悶○出尺遂反耄字又作旄莫報反注同遜徒困

反徐徒頓反 **今爾無指告予顛濟若之何其** 傳 汝無

指意告我殷邦顛隕濟墜如之何其救之○濟子細反玉篇子

兮反切韻祖稽 疏 曰父師至何其○正義曰微子既反隕于敏反

故別加一曰父師少師更呼而告之也我念殷亡之故其心發疾生狂吾在家心內耄亂欲遜遜出於荒

野今汝父師少師無指滅亡之意告我云殷邦其隕墜則當如之何其救之乎恐其留已共救之也○傳

我念至愁悶○正義曰狂生於心而出於外故傳以出狂為生狂應璩詩云積念發狂癡此其事也在家

思念之深精神益以耄亂鄭玄云耄昏亂也在家不堪耄亂故欲遜出於荒野言愁悶之至詩云駕言出

遊以寫我憂亦此意也○傳 汝無至救之○正義曰無指意告我者謂無指殷亡之事告我言殷將隕墜

欲留我救之顛謂從上而隕濟謂墜於溝壑皆滅亡之意也昭十三年左傳曰小人老而無子知濟於溝

壑矣王肅云濟濟溝壑 **父師若曰王子** 傳 比干不見

言此濟之義如左傳也 **父師若曰王子** 傳 比干不見

明心同省文微子帝乙元子故曰王子○見賢遍反省所景反

天毒降災荒殷邦方興沈酗于酒 傳 天生紂為亂是

天毒下災四方化紂沈湎不可如何 **乃罔畏畏咈其**

考長舊有位人

傳

言起沈酒上不畏天災下不畏賢

人違戾考老之長致仕之賢不用其教法紂故

扶勿

反考工口反長竹丈反注同

今殷民乃攘竊神祇之犧牲用以

容將食無災

傳

自來而取曰攘色純曰犧體完曰牲

牛羊豕曰牲器實曰用盜天地宗廟牲用相容行食

之無災罪之者言政亂

○攘如羊反因來而取曰攘竊馬云往盜曰竊神祇天曰

神地曰祇犧許

降監殷民用乂讎斂召敵讎不怠

宜反牲音全下視殷民所用治者皆重賦傷民斂聚怨讎之道而

又亟行暴虐自召敵讎不解怠

○讎如字下同徐云鄭音疇馬本作稠云

數也斂力檢反馬鄭力豔反謂賦斂也徐云鄭力斂

反治直吏反亟欺忌反數也又紀力反本又作極如

字至也解佳賣反

罪合于一多瘠罔詔

傳言殷民上下有罪

皆合於一法紂故使民多瘠病而無詔救之者○瘠

在益

商今其有災我興受其敗

傳

災滅在近我起受其

敗言宗室大臣義不忍去

商其淪喪我罔為臣僕詔

王子出迪

傳

商其沒亡我二人無所為臣僕欲以死

諫紂我教王子出合於道○臣僕一

本無臣字

我舊云刻子王

子弗出我乃顛濟

傳

刻病也我久知子賢言於帝乙

欲立子帝乙不肯病子不得立則宜為殷後者子今

若不出逃難我殷家宗廟乃隕墜無主○舊云馬云

馬云侵刻也
自靖人自獻于先王
傳 各自謀行其志

難乃旦反
人人自獻達于先王以不失道○靖馬本作
清謂潔也
我不顧

行遜
傳 言將與紂俱死所執各異皆歸於仁明君子

之道出處語默非一途○顧音故
徐音鼓
疏 父師至行遜○

順其事而報微子曰王子今天酷毒下災生此昏虐

之君以荒亂殷之邦國紂既沈湎四方化之皆起而

沈湎酗營於酒不可如何小人皆自放恣乃無所畏

上不畏天災下不畏賢人違戾其耆老之長與舊有

爵位致仕之賢人今殷民乃攘竊祭祀神祇之犧牲

牲用以相通容行取食之無災罪之者盜天地大祀

之物用而不得罪言政亂甚也我又下視殷民所用

為治民者皆讎怨斂聚之道也言重賦傷民民以在

上為讎重賦乃是斂讎也既為重賦又急行暴虐此

所以益招民怨是乃自召敵讎不懈怠也上下各有

罪合於一紂之身言紂化之使然也故使民多瘠病

而無詔救之者商今其有滅亡之災我起而受其敗

商其沒亡喪滅我無所為人臣僕言不可別事他人

必欲諫取死也我教王子出奔於外是道也我久云

子賢言於帝乙欲立子不肯我乃病傷子不得立為

王則宜終為殷後若王子不出則我殷家宗廟乃隕

墜無主既勸之出即與之別云各自謀行其志人人

災故言天生紂為亂本之於天天毒下災也以微子
云若之何此答彼意故言四方化紂沈湎不可如何
○傳言起至紂故○正義曰文在方與沈湎之下則
此無所畏畏者謂當時四方之民也民所當畏惟畏
天與人耳故知二畏者上不畏天下不畏賢人違戾
考長與舊有位人即是不畏賢人故不用其教紂無
所畏此民無所畏謂法紂故也○傳自來至政亂○
正義曰攘竊同文則攘是竊類釋詁云攘因也是因
其自來而取之名攘也說文云犧宗廟牲也曲禮云
天子以犧牛天子祭牲必用純色故知色純曰犧也
周禮牧人掌牧六牲以供祭祀之牲牲以牲為言必
是體全具也故體完曰牲經傳多言三牲知牲是牛
羊豕也以犧牲三者既為俎實則用者簠簋之實
謂黍稷稻粱故云器實曰用謂粢盛也禮天曰神地
曰祇舉天地則人鬼在其間矣故摠云盜天地宗廟
牲用也訓將為行相行食之謂所司相通容使盜
者得行盜而食之大祭祀之物物之重者盜而無罪
言政亂甚也漢魏以來著律皆云敢盜郊祀宗廟之

物無多少皆死為特重故也○傳下視至解怠○正
義曰箕子身為三公下觀世俗故云下視殷民所用
治者謂卿士已下是治民之官也以紂暴虐務稱上
旨皆重賦傷民既傷矣則以上為離泰誓所謂虐
我則離是也重斂民財乃是聚斂怨離之道既為重
斂而又亟行暴虐亟急也急行暴虐欲以威民乃是
自召敵讎勤行虐政是不懈怠也○傳商其至於道
○正義曰有災與淪喪一事而重出文者上言商今
其有災我與受其敗逆言災雖未至至則已必受禍
此言商其淪喪我罔為臣僕豫言殷滅之後言已不
事異姓辭有二意故重出其文我無所為臣僕言不
能與人為臣僕必欲以死諫紂但箕子之諫值紂怒
不甚故得不死耳我教王子出合於道保全身命終
為殷後使宗廟有主享祀不絕是合其道也○傳刻
病至無主○正義曰刻者傷害之義故為病也呂氏
春秋仲冬紀云紂之母生微子啓與仲衍其時猶尚
為妾改而為妻後生紂紂之父欲立微子啓為太子
太史據法而爭曰有妻之子不可立妾之子故立紂

為後於時箕子蓋謂請立啓而帝乙不聽今追恨其
事我父知子賢言於帝乙欲立子為太子而帝乙不
肯我病子不得立則宜為殷後○傳言將至一途○
正義曰不肯遜以求生言將與紂俱死也或去或留
所執各異皆歸於仁孔子稱殷有三仁焉是皆歸於
仁也易繫辭曰君子之道或出或處或默或語是非
一途也何晏云仁者愛人三人行異
而同稱仁者以其俱在憂亂寧民

尚書註疏卷第十

理